

Na osnovu tačke VI Odluke o usvajanju Programa utroška dijela sredstava sa kriterijima raspodjele sredstava Tekućih transfera utvrđenih Budžetom Federacije Bosne i Hercegovine za 2013. godinu Federalnom ministarstvu razvoja, poduzetništva i obrta („Službene novine Federacije BiH“, broj 79/13) i člana 5. Pravilnika o postupcima u provođenju programa razvoja male privrede („Službene novine Federacije BiH“, br: 50/13 i 55/13isp.), Federalno ministarstvo razvoja, poduzetništva i obrta raspisuje

JAVNI KONKURS za odabir korisnika grant sredstava Tekućih transfera

I PREDMET KONKURSA

Predmet Javnog konkursa je prikupljanje prijava za odabir korisnika grant sredstava Tekućih transfera, utvrđenih u razdjelu 50. Budžeta Federacije Bosne i Hercegovine za 2013. godinu Federalnom ministarstvu razvoja, poduzetništva i obrta („Službene novine Federacije BiH“, broj106/12)

II NAZIVI PROJEKATA, CILJEVI, KRITERIJI I KORISNICI SREDSTAVA

Grant sredstva će se dodjeljivati po sljedećim projektima:

Projekt br. 1: Izgradnja poduzetničkih zona

Ciljevi projekta su:

Poticanje lokalne uprave na izgradnju poduzetničkih zona u cilju stvaranja preduslova za razvoj malih i srednjih poduzeća i otvaranje novih radnih mjesta; prostor Federacije BiH učiniti konkurentnim za inostrana i domaća ulaganja (u poduzetništvo) u odnosu na zemlje okruženja.

Kriteriji za izbor projekta:

Veličina zone; broj korisnika; izvori-način finansiranja; ravnomjerniji regionalni razvoj (stepen nezaposlenosti); dosadašnji poticaji od strane Federalnog ministarstva razvoja, poduzetništva i obrta.

Korisnici sredstava:

Općine i gradovi u Federaciji BiH.

Projekt br. 2: Poticaji inovatorima-pojedincima

Ciljevi programa su:

Poticanje inovatora na razvoj inovacija; dovođenje inovacije do proizvoda; poticanje inovatora da krenu u poduzetničke poduhvate i upotreba inovativnog potencijala u stvaranju bh. (Federacije BiH) proizvoda.

Kriteriji za izbor projekta:

Vrsta proizvoda kojem je inovacija namijenjena; dovođenje inovacije do proizvoda; izvori-način finansiranja; priznanja na sajmovima i izložbama; dosadašnji poticaji od strane Federalnog ministarstva razvoja, poduzetništva i obrta.

Korisnici programa:

Inovatori - pojedinci koji imaju prebivalište u Federaciji BiH.

Projekt br. 3: Stipendiranje učenika koji se obrazuju za tradicionalne i stare zanate**Ciljevi projekta:**

Unapređenje stručnog obrazovanja stipendiranjem učenika koji se obrazuju za djelatnosti tradicionalnih i starih zanata, stimulisanje svršenih osnovaca da se nastave obrazovati za djelatnosti tradicionalnih i starih zanata.

Kriteriji za izbor korisnika:

Imovinsko stanje učenika; uspjeh u osnovnoj školi; uspjeh u prethodnim godinama školovanja za učenike viših razreda; dosadašnji poticaji od strane Federalnog ministarstva razvoja, poduzetništva i obrta.

Korisnici sredstava:

Učenici čije je prebivalište na području Federacije BiH i koji će se u školskoj 2013./2014. godini školovati u srednjim stručnim školama za djelatnosti koje se obavljaju s pretežnim udjelom ručnog rada, u manjim serijama, pružajući usluge odnosno stvarajući krajnji proizvod tradicionalnog ili starog zanata: bačvar, kazandžija, četkar, dimnjačar, graditelj muzičkih instrumenata, kaligraf, knjigovezac, kovač, krznar, lončar, mlinar, pismoslikar, obućar (ručna izrada i popravak obuće), remenar, stolar – restauriranje i ručna izrada namještaja, staklar, urar (isključivo održavanje i popravci), užar, izrada suvenira na tradicionalni način, krojač (šivanje po mjeri, popravci odjeće), kamenoklesar, lijevanje – odljevi umjetničkih predmeta, puškar – izrada i popravak unikatnog oružja, restauriranje (zgrada, namještaja i dr.), izrada i restauriranje narodnih nošnji, zlatar – filigran, ručno kovanje - umjetnička bravarija, umjetnička keramika, izrada autohtonih suvenira koji održavaju tradiciju grada, proizvodnja i popravak nakita i druge djelatnosti slične navedenima.

Projekt br.4: Poticaj udruženjima i komorama**Ciljevi projekta su:**

Razvoj i afirmacija poduzetništva i obrta; interesno umrežavanje poduzetnika i obrtnika, organizovano zastupanje interesa poduzetnika i obrtnika; ravnomjerniji regionalni razvoj.

Kriteriji za izbor projekta:

Namjena projekta; izvori-način finansiranja; broj članova udruženja i komora; organiziranost udruženja i komora; ravnomjerniji regionalni razvoj (stepen nezaposlenosti); dosadašnji poticaji od strane Federalnog ministarstva razvoja, poduzetništva i obrta.

Korisnici sredstava:

Udruženja i komore koje svojim projektima promovišu i potiču razvoj poduzetništva i obrta u Federaciji BiH i imaju najmanje 1 (jednog) zaposlenog na neodređeno vrijeme.

Projekt br.5: Poticaj obrazovnim institucijama

Ciljevi projekta su:

Razvoj i afirmacija poduzetništva i obrta; transfer znanja i tehnologija; ravnomjerniji regionalni razvoj.

Kriteriji za izbor projekta:

Namjena projekta; izvori-način finansiranja; ravnomjerniji regionalni razvoj (stepen nezaposlenosti); dosadašnji poticaji od strane Federalnog ministarstva razvoja, poduzetništva i obrta.

Korisnici sredstava:

Obrazovne institucije koje svojim projektima promovišu i potiču razvoj poduzetništva i obrta u Federaciji BiH.

Projekt br.6: Poticaj projektima koje finansira EU i drugi inostrani donatori

Ciljevi projekta:

Doprinos razvoju i afirmaciji poduzetništva i obrta kroz podršku projektima koje finansiraju EU i drugi inostrani donatori u cilju izgradnje udobnijeg ambijenta za rast i razvoj MSP-a; ravnomjerniji regionalni razvoj.

Kriteriji za izbor korisnika sredstava su:

Namjena projekta; izvori-način finansiranja; ravnomjerniji regionalni razvoj (stepen nezaposlenosti); dosadašnji poticaji od strane Federalnog ministarstva razvoja, poduzetništva i obrta.

Korisnici sredstava:

Razvojne agencije, udruženja poduzetnika i obrtnika i fondacije koje svojim projektima promovišu i potiču razvoj poduzetništva i obrta u Federaciji BiH i imaju najmanje 1 (jednog) zaposlenog na neodređeno vrijeme.

Projekt br.7: Tehničko usklađivanje (uvođenje ISO i HACCP standarda i osiguranje CE znaka)

Ciljevi projekta su:

Povećanje konkurentnosti subjekata male privrede temeljenih na znanju; uvođenje ISO i HACCP standarda; osiguranje CE znaka za proizvode iz Federacije BiH.

Kriteriji za izbor projekta:

Vrsta djelatnosti; broj zaposlenih; povećanje zaposlenosti; orijentiranost izvozu; izvori-način finansiranja, ravnomjerniji regionalni razvoj (stepen nezaposlenosti); dosadašnji poticaji od strane Federalnog ministarstva razvoja, poduzetništva i obrta.

Korisnici sredstava:

Subjekti male privrede izuzev onih čija je osnovna djelatnost ugostiteljstvo, turizam, trgovina, primarna poljoprivreda, zdravstvo i djelatnosti slobodnih zanimanja. Svi korisnici sredstava moraju imati sjedište na području Federacije BiH, nalaziti se u minimalno 51-postotnom privatnom vlasništvu državljana BiH te imati najmanje 1 (jednog) zaposlenog na neodređeno vrijeme.

Projekt br.8: Poticaji tradicionalnim i starim zanatima

Ciljevi projekta:

Očuvanje zanatske tradicije, kulturnog i historijskog nasljeđa poticanjem tradicionalnih i starih zanatskih djelatnosti kroz sufinansiranje troškova: provođenje poslovnog plana, nabavke alata i uvođenja novih tehnoloških postupaka, poboljšanja uslova rada u radionici, obrazovanja i stručnog osposobljavanja zaposlenih i izradu reklamnog materijala.

Kriteriji za izbor projekta:

Vrsta djelatnosti; broj zaposlenih; povećanje zaposlenosti; namjena ulaganja sredstava; izvori-način finansiranja, pripadnost grupi (osobe s invaliditetom, povratnici i demobilisani borci); ravnomjerniji regionalni razvoj (stepen nezaposlenosti); dosadašnji poticaji od strane Federalnog ministarstva razvoja, poduzetništva i obrta.

Korisnici sredstava:

Obrtnici koji obavljaju zanatsku djelatnost u skladu s Uredbom o zaštiti tradicionalnih i starih zanata ("Službene novine Federacije BiH", br. 66/09; 38/10 i 16/12) i posluju najmanje 12 mjeseci. Svi korisnici sredstava moraju imati sjedište na području Federacije BiH, nalaziti se u minimalno 51-postotnom privatnom vlasništvu državljana BiH te imati najmanje 1 (jednog) zaposlenog na neodređeno vrijeme.

Projekt br.9: Poticaj poduzetništvu žena

Ciljevi projekta:

Veće i lakše uključivanje žena u poduzetništvo te stvaranje novih radnih mjesta.

Kriteriji za izbor projekta:

Vrsta djelatnosti; broj zaposlenih; povećanje zaposlenosti; izvori-način finansiranja; orijentisanost izvozu; pripadnost grupi (osobe s invaliditetom, povratnici); ravnomjerniji regionalni razvoj (stepen nezaposlenosti); dosadašnji poticaji od strane Federalnog ministarstva razvoja, poduzetništva i obrta.

Korisnici sredstava:

Subjekti male privrede koji su u većinskom (51% i više) privatnom vlasništvu žena izuzev onih čija je osnovna djelatnost ugostiteljstvo, turizam, trgovina, primarna poljoprivreda, zdravstvo i djelatnosti slobodnih zanimanja. Svi korisnici sredstava moraju imati sjedište na području Federacije BiH, nalaziti se u minimalno 51-postotnom privatnom vlasništvu državljana BiH te imati najmanje 1 (jednog) zaposlenog na neodređeno vrijeme.

Projekt br.10: Poticaj poduzetništvu mladih

Ciljevi projekta:

Poticanje mladih osoba na samozapošljavanje, veće i lakše uključivanje mladih u poduzetništvo te stvaranje novih radnih mjesta.

Kriteriji za izbor projekta:

Vrsta djelatnosti; broj zaposlenih; povećanje zaposlenosti, izvori-način finansiranja; orijentisanost izvozu; pripadnost grupi (osobe s invaliditetom, povratnici); ravnomjerniji regionalni razvoj (stepen nezaposlenosti); dosadašnji poticaji od strane Federalnog ministarstva razvoja, poduzetništva i obrta.

Korisnici sredstava:

Subjekti male privrede koji su u većinskom (51% i više) privatnom vlasništvu osoba mlađih od 35 godina izuzev onih čija je osnovna djelatnost ugostiteljstvo, turizam, trgovina, primarna poljoprivreda, zdravstvo i djelatnosti slobodnih zanimanja. Svi korisnici sredstava moraju imati sjedište na području Federacije BiH, nalaziti se u minimalno 51-postotnom privatnom vlasništvu državljana BiH te imati najmanje 1 (jednog) zaposlenog na neodređeno vrijeme.

Projekt br.11: Subvencionisanje kamata na poduzetničke kredite**Ciljevi projekta su:**

Opstanak subjekata male privrede, koji koriste kredite kod komercijalnih banaka, kroz pomoć u subvencionisanju kamata. Korisnicima kredita kod komercijalnih banaka subvencionisati će se kamata do 50% za tekuću 2013. godinu.

Kriteriji za izbor projekta:

Vrsta djelatnosti; broj zaposlenih; namjena ulaganja kreditnih sredstava; orijentiranost izvozu; ravnomjerniji regionalni razvoj (stepen nezaposlenosti); dosadašnji poticaji od strane Federalnog ministarstva razvoja, poduzetništva i obrta.

Korisnici sredstava:

Subjekti male privrede izuzev onih čija je osnovna djelatnost ugostiteljstvo, turizam, trgovina, primarna poljoprivreda, zdravstvo i djelatnosti slobodnih zanimanja. Svi korisnici sredstava moraju imati sjedište na području Federacije BiH, nalaziti se u minimalno 51-postotnom privatnom vlasništvu državljana BiH te imati najmanje 1 (jednog) zaposlenog na neodređeno vrijeme.

Projekt br.12: Poticaji novoosnovanim subjektima male privrede**Ciljevi projekta su:**

Povećanje i održivost novoosnovanih subjekata male privrede kroz subvencionisanje troškova registracije i troškova doprinosa za novozaposlene radnike u trajanju od jedne godine.

Kriteriji za izbor projekta:

Vrsta djelatnosti; broj zaposlenih; povećanje zaposlenosti; ravnomjerniji regionalni razvoj (stepen nezaposlenosti); pripadnost ciljnoj grupi (žene, mladi, osobe s invaliditetom i povratnici).

Korisnici sredstava:

Subjekti male privrede, izuzev onih čija je osnovna djelatnost ugostiteljstvo, turizam, trgovina, primarna poljoprivreda, zdravstvo i djelatnosti slobodnih zanimanja, registrovani poslije 01. 01. 2013.godine. Svi korisnici sredstava moraju imati sjedište na području Federacije BiH, nalaziti se u minimalno 51-postotnom privatnom vlasništvu državljana BiH te imati najmanje 1 (jednog) zaposlenog na neodređeno vrijeme.

Projekt br.13: Sufinansiranje troškova nabavke osnovnih sredstava**Ciljevi projekta:**

Program ima za cilj pružiti finansijsku podršku subjektima male privrede kojima nedostaju finansijska sredstva za realizaciju svojih investicijskih projekata, a

neophodna su im dodatna ulaganja u osnovna sredstva. Dodatna ulaganja će omogućiti pokretanje nove i održavanje postojeće proizvodnje; pružanje usluga; veću iskoristivost kapaciteta; održavanje postojećih radnih mjesta i novo zapošljavanje; očuvanje postojećeg broja subjekata male privrede; prevazilaženje negativnih efekata ekonomske krize i povećanje izvoza.

Kriteriji za izbor korisnika sredstava su:

Vrsta djelatnosti; broj zaposlenih; povećanje zaposlenosti; izvori-način finansiranja; orijentiranost izvozu; ravnomjerniji regionalni razvoj (stepen nezaposlenosti); dosadašnji poticaji od strane Federalnog ministarstva razvoja, poduzetništva i obrta.

Korisnici sredstava:

Mikro i mali subjekti male privrede (koji upošljavaju prosječno godišnje manje od 50 lica) izuzev onih čija je djelatnost ugostiteljstvo, turizam, trgovina, primarna poljoprivreda, zdravstvo i djelatnosti slobodnih zanimanja. Svi korisnici sredstava moraju imati sjedište na području Federacije BiH, nalaziti se u minimalno 51-postotnom privatnom vlasništvu državljana BiH te imati najmanje 1 (jednog) zaposlenog na neodređeno vrijeme.

III PRAVO UČEŠĆA

Pravo učešća u ovom konkursu imaju sljedeće kategorije:

- a) subjekti male privrede definisani u Zakonu o poticanju razvoja male privrede („Službene novine Federacije BiH“ br: 19/06 i 25/09), sa minimalno 51-postotnom privatnim vlasništvom državljana BiH.
 - b) inovatori;
 - c) učenici koji se obrazuju za tradicionalne i stare zanate,
 - d) komore, razvojne agencije, fondacije i udruženja poduzetnika i obrtnika;
 - e) obrazovno-istraživačke institucije;
 - f) jedinice lokalne samouprave.
- Sve navedene kategorije, osim korisnika po projektu pod rednim brojem 3, svojim programima treba da potiču rast i razvoj malog i srednjeg poduzetništva.
 - Sjedište, odnosno prebivalište svih kategorija treba biti na području Federacije BiH
 - Sve navedene kategorije, osim korisnika po projektima pod rednim brojem 2 i 3, moraju imati najmanje jednog zaposlenog na neodređeno radno vrijeme.
 - Sve navedene kategorije, osim korisnika po projektima pod rednim brojem 2, 3 i 12, moraju poslovati najmanje 12 mjeseci do završetka ovog javnog konkursa.

NAPOMENA:

Korisnici poticajnih sredstava koji do završetka ovog konkursa nisu izvršili svoje ranije preuzete obaveze po osnovu korištenja poticajnih sredstava ovog ministarstva, nemaju pravo učešća u ovom konkursu, odnosno njihove prijave se neće uzeti u razmatranje.

Korisnici nepovratnih (grant) sredstava Ministarstva po programima sa bankama, nemaju pravo učešća u ovom javnom konkursu do ispunjenja svih obaveza iz ugovora o kreditu koji su zaključili sa bankama.

Podnosioci prijave mogu ostvariti pravo na dodjelu finansijskih sredstava samo po jednom projektu iz ovog javnog konkursa.

IV SADRŽAJ PRIJAVE ZA UČESTVOVANJE U JAVNOM KONKURSU

Prijava mora biti urađena sadržajno po elementima zahtijevanim u potrebnoj dokumentaciji ovisno o pojedinom projektu.

Prijava mora sadržati:

- a) **Zahtjev za uključivanje u projekt**
Pod pojmom Zahtjev za uključivanje u projekt podrazumijeva se popunjen obrazac „Zahtjev za uključivanje u projekt“.
- b) **Obrazac projekta**
Pod pojmom Obrazac projekta podrazumijeva se dokument koji je urađen sadržajno po zahtijevanim elementima.
- c) **Ostali prilozi**
Pod ostalim priložima podrazumijevaju se oni prilozi koji se traže od podnosioca prijave, kojima podnosilac prijave dokazuje da li je kompetentan, pouzdan i da li redovno ispunjava svoje zakonske obaveze. Popis ostalih priloga dat je na Zahtjevu za uključivanje u projekt.

Zahtjev za uključivanje u projekt i Obrazac projekta za prijavu na ovaj javni konkurs pripremila je ovo ministarstvo posebno za svaki projekt i može se preuzeti na web stranici ministarstva www.fmrpo.gov.ba.

Prijave koje nisu kompletno popunjene i koje ne sadrže zahtijevanu dokumentaciju, bit će odbijene i neće biti predmet daljeg razmatranja Komisije za izbor korisnika sredstava. Sva priložena dokumenta moraju biti izdana od strane nadležnih sudskih ili upravnih organa. Priložena dokumenta ne smiju biti starija od 3 (tri) mjeseca od dana objavljivanja ovog konkursa u „Službenim novinama Federacije BiH“, izuzev rješenja o registraciji pravnog subjekta, uvjerenja o poreznoj registraciji i uvjerenja o registraciji PDV-a. Sve priložene kopije dokumenata moraju biti ovjerene od strane nadležnih upravnih organa ili notara ovjerom ne starijom od 3 (tri) mjeseca od dana objavljivanja Javnog konkursa u „Službenim novinama Federacije BiH“.

V KRITERIJI ZA OCJENU PRIJAVE I IZBOR KORISNIKA

Kriteriji za ocjenu prijave utvrđeni su posebno za svaki Projekt u Poglavlju II pod nazivom „Kriteriji za izbor projekta“.

Izbor korisnika nepovratnih (grant) sredstava vrši Komisija za izbor korisnika sredstava, koja ima zadatak da, u skladu sa odredbama Pravilnika o postupcima u provođenju Programa razvoja male privrede („Službene novine Federacije BiH“, broj 50/13 i 55/13 ispr.), i na temelju propisanih kriterija iz Odluke o usvajanju Programa utroška sredstava sa kriterijima raspodjele sredstava Tekućih transfera i ovog konkursa, izvrši rangiranje korisnika nepovratnih (grant) sredstava. Ukoliko zahtijevana poticajna sredstva budu veća u odnosu na planirana, ministarstvo će raspodjelu istih izvršiti u skladu sa utvrđenom rang listom do utroška planiranih sredstava. Komisiju za izbor korisnika sredstava imenuje federalni ministar razvoja, poduzetništva i obrta.

VI NAČIN PREUZIMANJA POTREBNE DOKUMENTACIJE

Potrebna dokumentacija se može preuzeti elektronskim putem na web stranici Ministarstva www.fmrpo.gov.ba ili u prostorijama ministarstva u Mostaru, Ulica dr. Ante Starčevića bb (Hotel „Ero“) svakim radnim danom u vremenu od 10-14 sati.

VII NAČIN PODNOŠENJA PRIJAVE

Prijave sa odgovarajućom dokumentacijom iz poglavlja IV, šalju se preporučeno poštom u zapečaćenim kovertama na adresu:

**Federalno ministarstvo razvoja, poduzetništva i obrta
dr. Ante Starčevića bb (Hotel „Ero“) 88000 Mostar,**
sa naznakom:

**Ne otvarati – po Javnom konkursu za Projekt br. ____
Poticaj za razvoj poduzetništva i obrta**

Na poleđini koverte obavezno navesti:

- naziv – ime podnosioca prijave;
- adresu i kontakt telefon:
- ovjeriti pečatom poslovnog subjekta.

Rok za dostavu prijava je 21 dan od dana objavljivanja Javnog konkursa u „Službenim novinama Federacije BiH“, odnosno do 13. 11. 2013.godine.

Prijave primljene nakon isteka roka bit će odbačene i neće biti predmet razmatranja. U postupku Javnog konkursa ministarstvo ne snosi nikakve troškove učesnicima na konkursu, te zadržava pravo da u slučaju opravdanosti poništi Javni konkurs. Prispjela dokumentacija neće se vraćati.

VIII OSTALE ODREDBE

Sa podnosiocima prijava čije se prijave prihvate Federalno ministarstvo razvoja, poduzetništva i obrta zaključuje Ugovore, kojim će se definirati međusobna prava i obaveze ugovornih strana, a posebno način i dinamika korištenja dodijeljenih finansijskih sredstava te nadzor nad utroškom istih.

Podnosioci prijava čije se prijave odbace ili odbiju, mogu uložiti prigovor ministarstvu u roku od sedam dana od dana objave rezultata konkursa u „Službenim novinama Federacije BiH“, radi provjere činjenica i objektivnosti ocjene ponude.

Sve dodatne informacije vezane za ovaj Javni konkurs mogu se dobiti svakim radnim danom na brojeve telefona: 036/449-123, 036/449-125, 036/449-128, 036/449-133, 036/449-141, 036/449-145, 036/449-602 i 036/449-120 u vremenu od 10-14 sati kao i na web stranici ministarstva www.fmrpo.gov.ba.